



COMUNE DE MARA (SS)

DELIBERATZIONE DE SA GIUNTA COMUNALE N. 46 DE SU 20/06/2022

OGETU: CUNTZESSIONE DE CONTIBUTU ISTRAORDINÀRIU A FAVORE DE S'ASSÒTZIU CULTURALE "GRUPU FOLK SANTU GIUANNE BATISTA DE MARA. – ATU DE INDIRITZU A SU RESPONSÀBILE

S'annu duamìgia e bintiduos, sa die binti, de su mese de Làmpadas a sas 16:00, s'est reunida in sa SEDE DE SA GIUNTA, acumpridas in antis sas formalidades prevìdidas dae sa Lege de s'Istatutu, sa Giunta Comunale sutu de sa presidèntzia de su Sìndigu CHESSA PAOLO.

A s'apellu nominale resurtant:

CÀRRIGA	SAMBENADU E NÙMENE	PRESENTE
SINDACO	CHESSA PAOLO	EMMO
VITZESÌNDIGU	MONNI CRISTINA	EMMO
ASSESSORE	SALARIS RICCARDO	NONO
ASSESSORE	FIORI ANTONIO	EMMO

Presentes n° 3 Ausentes n° 1

Partètzipat su Segretàriu Comunale FALCHI ANTONIO MARIA, chi redatzionat custu verbale.

Essende legale su nùmeru de sos interbènnidos, su Sìndigu CHESSA PAOLO, in sa calidade sua de Presidente, leat sa presidèntzia e deccarat aberta sa setziada pro trattare s'ogetu giutu torra subra..

SA GIUNTA COMUNALE

Premìtidu chi in s' àmbitu de sa programmatzione comunale pro custu annu sunt istados prevididos interbentos diferentes de valorizatzione de atividades sòtziu-culturales, de sa costumàntzia e religiosas e de promotzione de su patrimoniu culturale, istòricu, chi ant importàntzia pro sa comunidade de Mara;

CONSIDERADU chi tra sos interbentos de promotzione e valorizatzione sòtziu-culturale, bi sunt puru sas iniziativas de acumprire in occasione de sa festa de Santu Giuanne Batista, Santu patronu de Mara in sas dies 23 e 24 de Làmpadas de su 2022;

RECONNOTU chi:

- ⌘ sa dificurtade de sas atividades organizativas e gestionales non permitit de gestire a manera dereta sas fases de sas atividades chi semus mentovende e duncas est netzessàriu a s'avalèssere, comente giai fatu, de sa collaboratzione de sos Assòtzios presentes in su territòriu siat pro s'agiudu de sas pessones e siat pro s'impitu de una cantas istruturas chi su Comune no at;
- ⌘ sas atividades organizativas e de gestione, a fora de sas atividades giai mentovadas in subra, sunt acumpridas a manera dereta dae sos assòtzios chi organizant, chi s'avalessent de s'agiudu a indonu de sos assotziados pròpios;

BIDU su parre 89/2013 de sa Setzione Regionale de Controllu pro sa Lombardia de sa Corte de sos Contos, in òrdine a sa possibilitade, pro sas amministratziones, de isbursare contributos a sugetos chi acumprant a atividades de valorizatzione de su territòriu, "...comente modalidade alternativa de erogatzione de su servìtziu pùblicu e non comente una manera de promòvere sa màgine de s'amministratzione".

BIDU su parre 226/2013 de sa Setzione Regionale de Controllu pro sa Lombardia de sa Corte de sos Contos, cunforma a cantu apostivigadu sos Comunes, subra de sa base de sa discrezionalitàde autònoma issoro e cunforma a sos printzìpios de sana e curreta amministratzione, podent deliberare contributos a favore de entes chi, si puru non sunt afidatàrios de servìtzios, acumprint un'atividade chi est cunsiderada ùtile pro sos tzitadinos pròpios;

BIDU su Parre 1075/2010 de sa Setzione Regionale de Controllu pro sa Lombardia de sa Corte de sos Contos tra sas formas diferentes de sustennu a sos assòtzios locales s'elementu chi definit, in s'ordinamentu "giuscontabile", sos contributos galu ammissos (distinghende los dae sas ispesas de sustennu oramai proibidas) est s'acumprida dae parte de privados de un'atividade pròpia de su Comune in forma de agiudu. S'atividade, duncas devet intrare in sas cumpetèntzias de s'ente locale e est acumprida, pro mèdiu, de sugetos privados destinatàrios de resursas pùblicas imbetze de (a manera dereta) sos Comunes e de sas Provìntzias, rapresentende un'àtera manera de frunire unu servìtziu pùblicu e no una manera de promotzione de sa màgine de s'Amministratzione.

Consideradu chi cun nota n. 2019 del 09.06.2022, s'Assòtziu Culturale "Gruppu Folk Santu Giuanne Battista" cun sede legale in carrera Guglielmo Marconi,6 in Mara, CF 92138650905, at presentadu rechesta de contributu econòmicu, pro s'acumprida de sa manifestatzione in onore de Santu Giuanne Batista, Patronu de Mara, chi s'at a festare sas dies 23 e 24 de Làmpadas de su 2022;

RELEVADU chi sa promotzione de sas atividades culturales e religiosas de sas cales semus tratende faghet parte de sas punnas istituzionales pessighidas dae s'Ente;

RITÈNNIDU dare a su responsàbile de su Setore Sòtziu-culturale sos indirizos oportunos pro s'acumprida de sas iniziativas singulas, incluida sa tipològia de ispesas a càrrigu de su Bilàntziu

Comunale;

CONSIDERADU chi si cheret protzèdere a dare unu contributu istraordinàriu de s'importu de € **1.500,00** pro sustènnere sas atividades ammaniadadas dae s'Assòtziu Culturale giai mentovadu in subra pro s'acumprida de sas manifestatziones de sas cales in s'ogetu;

BIDA sa Delibera de su Consìgiu Comunale **n. 6 de su 14.03.2022** cun sa cale est istadu aprovalu su Documentu Ùnicu de Programmazione 2022-2024 (DUP simplificadu);

BIDU su Bilàntziu de Previsione de sos Tres annos 2022-2024 – Esertzìtziu Finantziàriu 2022, aprovalu cun Delibera de su Consìgiu Comunale **n. 7 de su 14.03.2022**;

Bidu su regulamentu de Contabilidade de custu Comune;

BIDA sa deliberatzione de sa G.M. n° 81 de su 30/12/2011 de individuatzione de sas Positziones Organizativas;

Bida s'adotzione de su Pianu Esecutivu de Gestione e affidamentu de sos Responsàbiles de sos Servìtzios de sos istanziamentos relativos a su Bilàntziu de Previsione pro s'esertzìtziu in cursu disponibidades rusuzas relativas a sos annos pretzedentes;

ACHISIDOS, sos parres a favore in òrdine a sa regularidade tècnica e contàbile de custa proposta de Deliberatzione, espressados dae sos Responsàbiles de sos Servìtzios interessados cunforma a s'art.49 de su T. U. E. L. n. 267/2000;

PREMÌTIDU totu custu;

Cun votatzione a favore, espressada totu de acordu cunforma a sa lege

DE LÌBERAT

DE LEARE A CUNSIDERU sas motivatziones acraradas in premissa, giutas torra de su totu in custu dispositivu, pro nde fàghere parte integrante e sustanziale;

DE S'AVALÈSSERE de sa collaboratzione de s'Assòtziu Culturale Grupu Folk Santu Giuanne Batista de Mara ” cun sede legale in carrera Guglielmo Marconi, 6 CF 92138650905, pro s'acumprida de sas manifestatziones religiosas in onore de su Patronu “ Santu Giuanne Batista” in sas dies 23/24 de Làmpadas de su 2022;

DE AUTORIZARE a favore S'Assòtziu mentovadu in subra, unu contributu istraordinàriu de € **1.500,00** pro s'acumprida de sa festa in onore de su Patronu;

DE RECONNÒSCHERE chi sa disponibilidade econòmica netzessària agatat cobertura pro sa summa de €1.500,00 in su cap. 11730 de su Bilàntziu de Previsione 2022;

DE PUBLICARE custa deliberatzione in su giassu istituzionale de su Comune, setzione amministratzione trasparente, cunforma a s'art. 26 de su D.Lgs. n. 33/2013 e mm.ii.ii;

DE INCARRIGARE su Responsàbile de s'Àrea Sòtziu-culturale in òrdine a sos acumprimentos chi nde consighint cun riguardu particolare a s'ammaniadura de un'avisu pùblicu idòneu a manifestare interessu, indirizadu a sos Assòtzios Locales chi òperant in Mara;

Cun àtera votazione totu de acordu, espressada cunforma a sa lege, deliberat de decrarare custa deliberatzione luego esecutàbile cunforma a s'art.134, comma 4° de su D.Lgs. 267/2000 e mm.ii.ii.

PARRE DE REGULARIDADE TÈCNICA

Su Responsàbile de su Servìtziu cunforma a s'art. 49 comma 1 de su TUEL 267/2000 in òrdine a sa proposta n.ru 341 de su 09/06/2022 espressat parre a **FAVORE**.

Parre firmadu dae su Responsàbile de su Servìtziu ISTR. DIRETIVU DONEDDU SABRINA in data 09/06/2022

PARRE DE REGULARIDADE CONTÀBILE

Su Responsàbile de su Servìtziu cunforma a su D.Lgs. 267/2000 art. 49 comma 1, in òrdine a sa regularidade contàbile de sa Proposta n.ru 341 de su 09/06/2022 espressat parre: **A FAVORE**

Parre firmadu dae su Responsàbile de su Servìtziu CHESSA PAOLO in data 13/06/2022.

LÈGHIDU APROVADU E SUTASCRTU

Su Presidente
CHESSA PAOLO

Su Segretàriu Comunale
FALCHI ANTONIO MARIA

NOTA DE PUBLICATZIONE N. 436

Su 21/06/2022 est publicada in s'Albu Pretòriu sa Delibera de Giunta N.ru 46 de su 20/06/2022 cun ogetu: **CUNZessione CONTRIBUTU ISTRAORDINÀRIU A FAVORE DE S'ASSÒTZIU CULTURALE "GRUPU FOLK SANTU GIUANNE BATISTA DE MARA. - ATU DE INDIRITZU A SU RESPONSÀBILE**

At a abarrare afissada pro 15 dies cunforma a s'art 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada dae BUIONI ANGELA su 21/06/2022.

.Còpia digitale de documentu informàticu firmadu e produidu cunforma a su Dlgs 82/2005 e normas respetivas collegadas